

Ref: BUBT-Reg-3911-12-24

Date: 09-12-2024

## অফিসিয়াল নোটিশ

(সকল শিক্ষক, শিক্ষার্থী, কর্মকর্তা ও কর্মচারীদের জন্য)

বাংলাদেশ ইউনিভার্সিটি অব বিজনেস এন্ড টেকনোলজিতে (বিইউবিটি) সূচনালগ্ন থেকেই সকল শিক্ষার্থী, শিক্ষক, কর্মকর্তা ও কর্মচারীদের জন্য রাজনীতি ও ধুমপান সম্পূর্ণ নিষিদ্ধ। এ ব্যাপারে শিক্ষার্থী, শিক্ষক, কর্মকর্তা ও কর্মচারীগণ সবসময়ই সহযোগিতা করে আসছে। তারপরও যদি কখনও কোন ধরনের রাজনীতি সংশ্লিষ্ট কার্যকলাপ পরিলক্ষিত হতো তখনই নোটিশের মাধ্যমে সতর্ক করা হয়েছে।

জুলাই-আগস্ট ২০২৪ এর বৈষম্যবিরোধী ছাত্র আন্দোলনের পর ১৪ আগস্ট ২০২৪ তারিখে সাধারণ শিক্ষার্থীরা সকল শিক্ষক, শিক্ষার্থী, কর্মকর্তা ও কর্মচারীদের রাজনীতি নিষিদ্ধের জন্য বিশ্ববিদ্যালয় কর্তৃপক্ষের কাছে একটি দাবি উপস্থাপন করে। এ প্রেক্ষিতে, গত ১৫ আগস্ট ২০২৪ তারিখে বিইউবিটি কর্তৃপক্ষ অফিসিয়াল নোটিশ (সূত্র: বিইউবিটি-রেজি-১৫৯১.০৮.২৪) এর মাধ্যমে ঐ তারিখ হতে সকল শিক্ষক, শিক্ষার্থী, কর্মকর্তা ও কর্মচারীদের জন্য ক্যাম্পাস ও এর চারপাশ এলাকায় সকল ধরনের রাজনীতি নিষিদ্ধের নোটিশ প্রদান করে। নোটিশে উল্লেখ করা হয় যে, উল্লেখিত কেউ যদি ক্যাম্পাস ও এর চারপাশের এলাকায় রাজনীতির সংগে সংশ্লিষ্ট আছে বলে প্রমাণিত হয়, তবে তার বিরুদ্ধে বিশ্ববিদ্যালয়ের বিধিবিধান অনুযায়ী শাস্তিমূলক ব্যবস্থা গ্রহণ করা হবে।

এরূপ নোটিশ প্রদানের পরও কিছু শিক্ষার্থী/ব্যক্তি বিশেষ বিইউবিটির নাম ব্যবহার করে ক্যাম্পাস ও এর চারপাশে রাজনৈতিক কর্মকাণ্ড পরিচালনা করছেন এবং রাজনৈতিক দলের সঙ্গে সংশ্লিষ্টতা দেখিয়ে সামাজিক যোগাযোগ মাধ্যমে বিভিন্ন ধরনের পোস্ট দিয়েছেন যা বিইউবিটি কর্তৃপক্ষের নজরে আসে।

উক্ত রাজনৈতিক কর্মকাণ্ডের বিষয়টি ইতোমধ্যে সাধারণ শিক্ষার্থীদের মধ্যে বিরূপ প্রতিক্রিয়া তৈরী করেছে। কিছু শিক্ষার্থী/ব্যক্তিসমূহের জন্য শিক্ষার সুন্দর পরিবেশ বিঘ্নিত হলে এবং সাধারণ শিক্ষার্থীদের মধ্যে নেতিবাচক মনোভাব তৈরী হলে বিশ্ববিদ্যালয়ে অস্থিতিশীল অবস্থার সৃষ্টি করতে পারে, যা মোটেই কাম্য নয়।

এরূপ পরিস্থিতিতে বিষয়টি বিইউবিটি ডিসিপ্লিন কমিটিতে একাধিকবার আলোচিত হয়। সর্বশেষ বিইউবিটি ডিসিপ্লিন কমিটি সভার সুপারিশক্রমে ও বিইউবিটি কর্তৃপক্ষের নির্দেশক্রমে সংশ্লিষ্ট সকলের অবগতির জন্য আবারও সুস্পষ্টভাবে জানানো যাচ্ছে যে, বিইউবিটি ক্যাম্পাস ও এর চারপাশে সকল প্রকার রাজনৈতিক কর্মকাণ্ড এবং বিইউবিটির নাম ব্যবহার করে রাজনৈতিক কর্মকাণ্ড সম্পূর্ণরূপে নিষিদ্ধ।

যদি কোন শিক্ষার্থী, শিক্ষক, কর্মকর্তা ও কর্মচারী এই নোটিশ প্রদানের পরও বিইউবিটির নাম ব্যবহার করে বা ক্যাম্পাস ও এর চারপাশে রাজনৈতিক কর্মকাণ্ডের সঙ্গে সংশ্লিষ্ট হয় অথবা কোন প্রকার অস্থিতিশীল অবস্থার সৃষ্টি করে বলে প্রমাণিত হয়, তবে সংশ্লিষ্ট ব্যক্তি/ব্যক্তিসমূহের বিরুদ্ধে বিশ্ববিদ্যালয়ের নিয়মানুযায়ী শাস্তিমূলক ব্যবস্থা গ্রহণ করা হবে।



09/12/2024

(উইং কমান্ডার (অক:) মোঃ মোমেনুল ইসলাম)

প্রক্টর, বিইউবিটি

### কার্যার্থে/অনুলিপি বিতরণ:

- ১) পি. এস. টু ভাইস চ্যান্সেলর, ২) পি.এ. টু এডভাইজার, ৩) ড্রেজারার, ৪) সকল ডীন, ৫) পি.ও টু রেজিস্ট্রার, ৬) ডাইরেক্টর, আইকিউএসি, ৭) পরীক্ষা নিয়ন্ত্রক, ৮) সকল চেয়ারম্যান, ৯) জয়েন্ট ডাইরেক্টর, একাউন্টস, ১০) সকল এসিসট্যান্ট প্রক্টর, ১১) ডেপুটি ডাইরেক্টর, সিজিসিআইএ, ১২) সকল শিক্ষক, ১৩) সকল কর্মকর্তা ও কর্মচারী, ১৩) সকল শিক্ষার্থী, ১৪) নোটিশ বোর্ড, ১৫) ওয়েবসাইট, ১৬) অফিস কপি